

976. *HIERACIUM Caeruleum.*

Sonchus pedunculis squamosis; floribus racemosis.
 LINN. *Syst. Nat.* p. 520. *Spec. Plant.* p. 794.
 n. 6. *Fl. Suec.* 2. 689.

Sonchus foliis amplexicaulibus, petiolatis, triangularibus; petiolo pinnato; floribus spicatis. HALL.
Hist. n. 20.

DIAGN. *Flores paniculati; racemis 1-3-floris; pedunculis squamosis, villosis. Calyces villosi. Flores caerulei. Semiflosculi non ultra (24).*

Habitat in *Hudopola* districtus *Idriensis*.

Caulis rubellus, fistulosus, hispidus. Folia glabra, pinnatifida; segmento terminali maximo, triangulari, dentato. Calyces basi crassiores, dein cylindracei. Stamina corollis pallidiora.

(*) *Thalamis subnudis.*

318. LEONTODON.

TARAXACONOIDES. VAILLANT.

Semen coronatum pappo plumoso, sessili. Receptaculum planiusculum, alveolatum: alveolis marginatis, aut membranula lacero-dentata vallatis.

977. *LEONTODON hispidum.*

Leontodon calyce toto erecto; foliis dentatis, integerimis, hispidis; setis furcatis. LINN. *Syst. Nat.* p. 522. sine dubio idem cum *CREPI Nudicaulis*. *Spec. Plant.* p. 805. n. 2.

Picris caule nudo, unifloro; foliis asperis dentatis. HALL. *Hist.* n. 25.

Hieracium. L. C. BAUH. *Prodr.* p. 63.

Virea. ADANS. *Famil. Pl.* p. 112.

DIAGN. *Tota planta hirta setis albis, duris, bifidis et trifidis. Semina pappo proprio longiora.*

Habitat *Tergesti* et alibi non rarum.

Radix